

中華文學精華

注音

李太白詩

沈歸愚選本

注音

李太白詩

沈歸愚先生選本

五古

古風十首

大雅久不作，吾衰竟誰陳。王風委蔓草，戰國多荆榛。龍虎相啖食，兵戈逮狂秦。正聲何微茫？哀怨起騷人。揚馬激頽波，開流蕩無垠。銀音廢興雖萬變，憲章亦已淪。自從建安來，綺去倚切麗不足珍。聖代復元古，垂衣貴清真。羣才屬休明，乘運共躍鱗。文質相炳煥，衆星羅秋旻。我志在刪述，垂輝映千春。希聖如有立，絕筆於獲麟。

【大雅】詩大序：雅者，正也，言王政之所由廢興也。正有大小，故有小雅焉，有大雅焉。【王風句】詩大序：關雎麟趾之化，王者之風，野有蔓草，鄘國風也，東遷以後之詩。【戰國】戰國者，周末秦、韓、魏、楚、燕、趙、齊、魏七雄，後悉爲秦所并。【荆榛】潘岳詩：荆棘成榛。

【龍虎】喻七雄。

【啖食】言互相吞噬也。

【狂秦】謂秦之狂暴無仁義也。

【正聲】中正之聲。

【哀怨句】楚屈原因

哀怨而作離歌。

【揚馬】揚雄、馬司馬相如。相如作賦，甚弘麗溫雅，後雄作賦，每擬之以爲式。

【頽波】波流頽靡之義。

【垠】岸也，言汎濫無畔岸也。

【建安】漢獻帝年號，時曹丕、曹植及孔融、陳琳、王粲、徐幹、阮瑀、應瑒、劉楨（卽鄴中七子）之詩，皆夸

尙綺靡，雄健之氣，由此萎爾，至於八代極矣。

【綺麗】綺，文縉也。劉楨詩：綺麗不可忘。

【聖代】謂唐也。

【垂衣】易繫辭：黃帝

垂衣裳而天下治。

【休明】謝朓詩：惟昔逢休明。

【乘運】文中子：文質選用，世運相乘。

【躍鱗】謂羣材奮起，如魚之躍動也。

【文質】論語：質勝文則野，文勝質則史。

【衆星句】謂文質炳煥，若衆星之羅列於秋天也。爾雅：秋天曰旻天。

【刪述】孔子

刪詩爲三百篇，述職方以除九邱。

【千春】謝朓酬德賦：度千春之可並。

【希聖】希，望也。李肅遠運命論：孟軻孫軻，體王希望。

【如有立】論語：如有所立，卓爾。

【絕筆句】孔子作春秋，至魯哀公十有四年春，西狩獲麟，感而傷之曰：吾道窮矣，遂絕筆。

蟾

之廉切

蜨

署魚切

薄

音博

太清蝕

食音

此瑤臺月。圓光虧中天，金魄遂淪沒。蟬

帝音

東音

入紫微，大明夷朝暉。浮雲隔兩曜，萬象昏陰霏。蕭蕭長門宮，昔是今已非。桂蠹

花不實，天霜下嚴威。沈歎終永夕，感我涕沾衣。

意指武惠妃有寵，王皇后見廢而作。通體皆作隱語，而蕭蕭長門宮二句，若晦若顯，布置最佳。原注。

【蟾蜍】淮南子：日月照天下而食於蟾蜍，蓋以月比王后，蟾蜍比武妃。

【薄】漢書注：日月無光曰薄。

【太清】淮南子注：太清

者，元氣之清者也。

【蝕】釋名：日月虧曰蝕。

【瑤臺】楚辭：望瑤臺之偃蹇兮。

【金魄】月也。

【蟬蜨句】爾雅：虹，蟬蜨也，俗

名爲美人，以喻武妃。晉天文志：紫宮垣，一曰紫微，大帝之座，以喻明皇。

【大明】日也。禮記：大明生於東，亦喻明皇。

【夷】傷也。

【朝暉】陸機詩：扶桑升朝暉。

【浮雲二句】

日月謂之兩曜，月蝕於蟾蜍，日夷於蠲蠹，則兩曜隔絕，萬象皆昏亂無主。

【長門

宮】漢武帝以陳皇后驕妬，謫在長門宮。

【桂蠹】前漢書西粵傳注：桂蠹，桂樹中蝨蟲。

【花不實】唐玄宗廢王后詔曰：皇后天

命不祐，華而不實。

【天霜句】指王后誣讒事發，玄宗自臨勅也。

秦皇埽六合，虎視何雄哉！飛劒決浮雲，諸侯盡西來。明斷自天啓，大略駕羣

才。收兵鑄金人，函谷正東開。銘功會稽嶺，騁望瑯琊臺。刑徒七十萬，起土驪山隈。

長平聲

尙采不死藥，茫然使心哀。連弩射海魚，長鯨正崔嵬。額鼻象五岳，揚波噴雲

雷。鬣音獵蔽青天，何由覩蓬萊。徐市載秦女，樓船幾時迴？但見三泉下，金棺葬

寒灰。

既期不死，而又築高陵，自相矛盾矣。原注。

【秦皇】名政，稱始皇帝。

【六合】東西南北上下。賈誼過秦論：履至尊而制六合。

【虎視】文選西都賦：秦以虎視。

【諸侯

句】秦在關西，六國皆在關東，故云西來。

【收兵句】兵，軍器也。始皇收天下之兵，聚之咸陽，銷以爲鑄，鑄金人十二。

【函谷句】

秦函谷關，在今河南靈寶縣境。

【銘功句】始皇渡浙江，上會稽，祭大禹，立石刻頌秦功德。

【瑯琊臺】瑯琊山在今山東諸城

縣，始皇嘗登瑯琊，留三月，徙黔首三萬戶瑯琊臺下。

【刑徒二句】始皇使刑徒七十餘萬人，分作阿房宮，或作驪山發北山石柶。

【不死藥】齊人徐市等上書言海中有神山，曰蓬萊，方丈瀛洲，仙人居之。於是遣市發童男女數千人入海，求仙人不死之藥。【連弩】徐市等入海求神藥，數歲不得，詐曰：常爲大蛟魚所苦，故不得。始皇乃令入海者齎捕巨魚具，而自以連弩候大魚出射之，至之累，射殺一巨魚。【樓船】漢書注：船上施樓曰樓船。【三泉】始皇初即位，治驪山，穿三泉，下銅而致棺。【寒灰】韓子曰：死者始而灰，已而土。

莊周夢蝴蝶，蝴蝶爲莊周。一體更變易，萬事良悠悠！乃知蓬萊水，復作清淺流。青門種瓜人，舊日東陵侯。富貴固如此，營營何所求？

言一體尚有變易，而富貴能長保耶？原注。

【莊周二句】莊子：昔者周夢爲蝴蝶，栩栩然蝴蝶也，不知周之夢爲蝴蝶與？蝴蝶之夢爲周與？蓬萊水又淺於往者，豈將復爲陵陸乎？【青門二句】阮籍詩：昔聞東陵瓜，近在青門外。漢書：霸城門，民間謂之青門。史記：邵平者，故

秦東陵侯，秦破爲布衣，種瓜於長安城東，瓜美，時謂東陵瓜。【營營】往來貌。詩經：營營青蠅。

齊有倜儻

音惕 儻他朗切

生，魯連特高妙。明月出海底，一朝開光曜。卻秦振英聲，後

世仰末照。意輕千金贈，顧向平原笑。吾亦澹蕩人，拂衣可同調。

【齊有二句】倜儻，卓異也。史記：魯仲連，齊人也，好奇偉倜儻之畫策。適游趙，會秦圍趙，聞魏將欲令趙尊秦爲帝，因責讓客新垣衍，罷

帝奏議，秦將聞之，卻軍五十里。會魏公子無忌救趙，破秦軍，於是平原君欲封魯仲連，終不肯受。繼又以千金爲魯仲連壽，魯仲連笑曰：「所謂貴於天下之士者，爲人排患解難，釋紛亂而無取也。遂辭平原君而去。」

一說明月，寶珠也。張景陽詩：魚目笑明月。

【澹蕩】猶放蕩也。鮑照詩：春風澹蕩，俠思多。白晝散數萬金。

【拂衣】左襄叔向拂衣。

從之。【同調】謝靈運詩：異世可同調。李善注：謂聲音相和。

松柏本孤直，難爲桃李顏。昭昭嚴子陵，垂釣滄波閒。身將客星隱，心與白雲閒。長揖萬乘君，還歸富春山。清風灑六合，邈然不可攀。使我長歎息，冥棲巖石閒。

【嚴子陵】

漢嚴光，字子陵，少與光武同游學，及光武即位，光變姓名釣澤中，光武聘之，至，因共偃臥，光以足加帝腹上，明日太史奏客

星犯帝座，甚急，帝笑曰：朕故人嚴子陵共臥耳。除爲諫議大夫，不屈，乃耕於富春山。

君平旣棄世，世亦棄君平。觀變窮太易，探元化羣生。寂寞綴道論，空簾閉幽

情。

騶

虞不虛來，鸞

嶽

鸞

有時鳴。安知天漢上，白日懸高名。海客去已久，誰人

測沈冥。

言人之不混，如騶虞鸞，必然見知，卽世人不知，天上猶懸其名也。天漢二句，用海客人乘槎至織女宮意。原注。

【君平】漢嚴君平卜筮於成都市，與人子言孝，與人弟言順，各因勢導之以善，得百餘錢，足自養，則閉肆下簾而授老子。

【騶虞】

音注李太白詩

六

仁獸，不食生物，不履生草，至德所感則見。

【鸞鷟】鳳屬，神鳥也。

【天漢】天河也。博物志有居海渚者，多齋糧，乘浮槎，至一處，有

城郭屋舍，見一丈夫牽牛飲河濱，其人問是何處，答還至蜀訪嚴君平則知之。因至蜀問君平，曰：某年某月，有客星犯牽牛宿，計其年月，正是人到天河時也。

【沈冥】漢書注：嚴君平深沈玄默無欲，言幽深難測也。

天津三月時，千門桃與李。朝爲斷腸花，暮逐東流水。前水復後水，古今相續流。新人非舊人，年年橋上遊。雞鳴海色動，謁帝羅公侯。月落西上陽，餘輝半城樓。衣冠照雲日，朝下散皇州。鞍馬如飛龍，黃金絡馬頭。行人皆辟易，志氣橫嵩丘。入門上高堂，列鼎錯珍羞。香風引趙舞，清管隨齊謳。七十紫鴛鴦，雙雙戲庭幽。行樂爭晝夜，自言度千秋。功成身不退，自古多愆尤。黃犬空歎息，綠珠成鸞鸞。何如鵝_{稱脂切}夷子，散髮棹扁舟。

歷言權貴豪侈，沈溺不返，而有李斯石崇之禍，不如范蠡扁舟歸去之爲得也。前用興起原注。

【天津】始皇都咸陽，渭水貫都，以象天河，橫橋南渡，後人因稱曰天津橋。

【斷腸花】謂春花爛漫，每易感物傷情而斷腸也。

【海色】曉色也，雞鳴之時，天色昧明，如海氣朦朧然。

【西上陽】西京記：上陽宮西，有西上陽宮。

【皇州】京城也。鮑照詩：表裏

望皇州。

【鞍馬句】漢馬太后詔曰：車如流水，馬如游龍。

【黃金句】古詩日出東南行，黃金絡馬頭，觀者滿道傍。

【辟易】

項羽傳：人馬俱驚，辟易數里。晉人馬開眼而易其本處。

【嵩丘】嵩山。

【列鼎】家語：子路南游於楚，列鼎而食。

【趙舞】趙女

善舞者。

【齊謳】齊人善謳者。南都賦：齊僮唱兮列趙女。

【七十句】宋禮樂志：鄭七十二，羅列自成行。

【黃犬】秦李斯臨

刑，顧謂其子曰：吾欲與若復牽黃犬，俱出上蔡，逐狡兔，豈可得乎？

【綠珠】晉石崇有美妾曰綠珠，孫秀使人求之，崇不與，秀矯詔收

崇，綠珠墜樓卒，崇亦被殺。

【鳴夷子】范蠡既雪會稽之恥，乃乘扁舟，浮於江湖，變姓名爲鳴夷子皮。

【散髮】鍾會遺策賦：散髮

抽簪。

鄭客西入關，行行未能已。白馬華山君，相逢平原里。璧遺鎬

何老切

池君，明年

祖龍死。秦人相謂曰：吾屬可去矣。一往桃花源，千春隔流水。

【鄭客六句】始皇三十六年，使者從關東夜過華陰平舒道，有人持璧遮使者曰：爲吾遺鎬池君。因謂曰：明年祖龍死，使者問其故，因

忽不見。【桃花源】晉陶潛有桃花源記。

羽檄

胡狄切

如流星，虎符合專城。喧呼救邊急，羣鳥皆夜鳴。白日耀紫微，三公

運權衡。天地皆得一，澹然四海清。借問此何爲？答言楚徵兵。渡瀘及五月，將赴雲

南征。怯卒非戰士，炎方難遠行。長號別嚴親，日月慘光晶。泣盡繼以血，心摧兩無

聲。困獸當猛虎，窮魚餌奔鯨。千去不一回，投軀豈全生。如何舞干戚，一使有苗平。

音注李太白詩

八

如何作何如解，古人每有之。干羽改干戚，本淵明刑天舞干戚句。時徵兵雲南而大敗，楊國忠掩敗爲功，詩應作於是時。原注。

【羽檄】檄，古時以木簡爲書，用之徵召，有急則加以雞羽。【流星】天間奔星也。【虎符】漢文帝初與郡守爲銅虎符，各分其

半，右留京師，左以與之，爲調發郡國兵之證據。【紫微】見上。【三公】官名，周太師、太傅、太保爲三公，西漢大司馬、大司徒、大司

空爲三公。【權衡】北斗第四星曰權，第五星曰衡。【渡瀘】瀘水出牂牁縣。諸葛亮出師表：五月渡瀘。【雲南】唐開元時，

册皮邏閣爲雲南王，遣子閣羅鳳入質，後亡去。楊國忠薦鮮于仲通爲蜀郡長史，率兵討雲南，戰瀘川，舉軍沒，國忠匿其敗，更敘戰功。

【干戚】皆兵器。尚書：帝乃誕敷文德，舞干羽於兩階，七旬，有苗格。

胡關饒風沙，蕭索竟終古。木落秋草黃，登高望戎虜。荒城空大漠，邊邑無遺堵。白骨橫千霜，嵯峨蔽榛莽。借問誰凌虐？天驕毒威武。赫怒我聖皇，勞師事輦鼓。陽和變殺氣，發卒騷中土。三十六萬人，哀哀淚如雨。且悲就行役，安得營農圃。不見征戍兒，豈知關山苦。李牧今不在，邊人飼豺虎。

天寶中，上使王忠嗣攻吐蕃石堡城，忠嗣言堅守難攻，董延光自請攻之，不克，復命哥舒翰攻而拔之，獲吐蕃四百人，而唐兵死亡略盡，其後世爲讎敵矣。詩爲開邊重戒，與前一首同。原注。

【胡關】唐時諸胡出入之關，若玉門關、雁門關、陽關皆是。【大漠】卽沙漠也。【堵】牆垣也。【千霜】千年也。如杜甫詩：七暑

三霜之意。【嵯峨】高也。【榛】木叢生也。【莽】草深貌。【天驕】漢書匈奴傳：強胡者，天之驕子也。【聖皇】謂玄宗也。

【鼙鼓】樂書：鼙，卑者所鼓，司馬五鼓，旅帥執鼙鼓，鼓之尤小者。【李牧】戰國時趙北邊良將，常居雁門，大破殺匈奴十餘萬，後十餘歲，匈奴不敢近趙邊。【豺虎】指吐蕃。七哀詩：盜賊如豺虎。

登高望四海，天地何漫漫？霜被羣物秋，風飄大荒寒。榮華東流水，萬事皆波瀾。白日掩徂輝，浮雲無定端。梧桐巢燕雀，枳棘棲鴛鸞。且復歸去來，劒歌行路難。

【登高二句】喻高見遠識之士，知時世之昏亂也。

【霜被二句】喻羣小用事，而殺氣之盛也。

【白日二句】白日，君象；浮

雲，姦臣也。徂輝，日落之光，以喻人君晚節，爲姦臣蔽其明也。

【歸去來】晉陶潛有歸去來辭。

【劒歌】史記孟嘗君傳：馮驩彈其

劒而歌。

【行路難】古樂府歌。

醜女來效顰，還家驚四鄰。壽陵失故步，笑殺邯鄲人。一曲斐然子，雕蟲喪天真。棘刺造沐猴，三年費精神。功成無所用，楚楚且華身。大雅思文王，頌聲久崩淪。安得郢中質，成風一運斤。

【醜女二句】莊子：西子病心而顰，其里之醜人，歸亦捧心而顰，其里之富人見之，堅閉門而不出，貧人見之，挈妻子而去。

【壽陵

句】漢書：壽陵餘子學步於邯鄲，失其故步，匍匐而走。

【笑殺】南史：垣崇祖傳：自可拍手笑殺。

【斐然】論語：斐然成章。

【雕

音注李太白詩

一〇

蟲【揚子：或問吾子少而好賦，曰然，童子雕蟲篆刻，壯夫不爲也。】

【棘刺句】韓子曰：燕王好微巧，衛人曰：臣能以棘刺之端爲母猴。

【楚楚】鮮明貌。詩：衣裳楚楚。

【安得郢中質二句】莊子：郢人墨漫其鼻，使匠人斲之，匠石運斤成風，聽而斲之，盡垺而鼻

不傷。宋元君聞之，召石匠曰：嘗試爲寡人爲之。匠石曰：臣則嘗能斲之，雖然，臣之質死久矣。

八荒馳驚飈，

標音

萬物盡凋落。浮雲蔽頽陽，洪波振大壑。龍鳳脫網罟，

古音

飄飄

將安託？去去乘白駒，空山詠場藿。

霍音

【八荒】八方荒遠之地。

【驚飈】暴風也。殷仲文表：驚飈排野。

【浮雲】喻羣小也。

【頽陽】落日也。日君象，此比昏君。

【龍鳳】喻君子。

【網罟】喻禍患。

【去去二句】詩：皎皎白駒，食我場藿，絜之維之，以永今夕。詩注：刺宣王不能留賢也。

桃花開東園，含笑誇白日。偶蒙東風榮，生此豔陽質。豈無佳人色，但恐花不

實。宛轉龍火飛，零落早相失。詎知南山松，獨立自蕭瑟。

【東園】阮籍詩：東園桃與李。

【豔陽】鮑照詩：豔陽桃李節。

【龍火】漢書：東宮蒼龍房心，心爲大火，故曰龍火。龍火飛則秋氣

至，花實零落矣。

【蕭瑟】潘岳詩：松柏轉蕭瑟。

擬古四首

長繩難繫日，自古共悲辛。黃金高北斗，不惜買陽春。石火無留光，還如世中人。卽事已如夢，後來我誰身。提壺莫辭貧，取酒會四鄰。仙人殊恍惚，未若酒中真。

【黃金高北斗】唐秦王世民謂尉遲敬德曰：公之心如山嶽，雖積金至斗，豈能移之。【石火】古樂府：鑿石見火，能幾時。【提

壺】古詩云：提壺沽美酒。【取酒句】陶潛詩：得歡當作樂，斗酒樂比鄰。【恍惚】老子：無形之狀，無象之象，是謂恍惚。

月色不可埽，客愁不可道。玉露生秋衣，流螢飛百草。日月終銷毀，天地同枯

槁。蟪音惠蛄音孤啼青松，安見此樹老。金丹寧誤俗，昧者難精討。爾非千歲翁，多恨去

世早。飲酒入玉壺，藏身以爲寶。

言天地終歸枯槁，況乎人生，正當及時行樂。原注。

【玉露】南史齊武帝紀：卿雲玉露。【日月句】楚辭：白日晡晚，其將入兮，明月銷鑠而毀滅。【枯槁】莊子：其死也枯槁。【蟪蛄

蛄】卽寒蟬，春生夏死，夏生秋死。【金丹】謂服食求仙之藥也。【入玉壺】神仙傳：壺公賣藥於汝南市，日入後跳入壺中。

涉江弄秋水，愛此荷花鮮。攀荷弄其珠，蕩漾不成圓。佳期綵雲重，欲贈隔遠

天。相思無由見，悵望涼風前！

音注李太白詩

一一一

【涉江二句】喻賢者慕君之爵位而欲仕也。

【攀荷二句】喻賢者纔得位，而害之者已至也。

【佳期二句】佳期，謂與佳

人相期，猶楚詞不敢指言君尊，託辭佳人也。綵雲重者，喻女謁讒夫之盛。欲贈隔遠天者，喻賢者欲有所獻，冒於君，去天遠而爲女謁讒夫之所間隔也。【相思二句】喻雖思君而無從見君，惟有悵望涼風之前，以寄吾眷戀之意云耳。涼風，亦薄德之形容也。

去去復去去，辭君還憶君。漢水既殊流，楚山亦此分。人生難稱意，豈得長爲羣？越燕喜海日，燕鴻思朔雲。別久容華晚，琅玕不能飯。日落知天昏，夢長覺道遠。望夫登高山，化石竟不返。

【去去】蘇武詩：去去從此辭。

【漢水】源出漢中，至湖北漢口，入於長江。

【楚山】謝玄暉詩：雲端楚山見。

【越燕二句】

陶弘景本草：紫胸輕小者是越燕。燕鴻之燕，讀作平聲，蓋燕地之鴻也。一屬南，一屬北，故鄉思不同耳。

【琅玕】美玉也。

【望夫二

句】昔有人往楚，累歲不還，其妻登此山望夫，乃化爲石。

沐浴子

樂府不另分一格，雜入五言七言中，長短句入七言。

沐芳莫彈冠，浴蘭莫振衣。處世忌太潔，至人貴藏輝。滄浪有釣叟，吾與爾同

歸。

言立身忌太潔，不如老氏之和光同塵也。暗用楚辭意。原注。

【沐浴子】樂府遺聲，游俠二十一曲，有沐浴子。

【沐芳二句】楚辭：浴蘭湯兮沐芳華。又漁父：新沐者必彈冠，新浴者必振衣。

【滄浪釣叟】即屈原詞所謂漁父者。

子夜吳歌

長安一片月，萬戶擣倒音衣聲。秋風吹不盡，總是玉關情。何日平胡虜？良人罷遠征。

【子夜吳歌】古今樂錄：清商曲子夜，亦曰子夜吳聲四時歌，亦曰子夜吳歌，管有女子，名子夜，作是歌甚哀。

【長安】唐京兆府有

長安縣。

【擣衣】擣，敲也。

【玉關】玉門關，在唐沙州敦煌郡壽昌縣西北。

【良人】夫也。

關山月

明月出天山，蒼茫雲海閒。長風幾萬里，吹度玉門關。漢下白登道，胡窺青海灣。由來征戰地，不見有人還。戍客望邊邑，思歸多苦顏。高樓當此夜，歎息未應閒。

【關山月】關山月者，樂府鼓角橫吹十五曲之一也。

【天山】在唐西州交河郡天山縣，今在新疆境內。

【雲海】謂雲氣蒼茫

如海也。

【長風句】宗慤曰：願乘長風破萬里浪。

【玉門關】見前。天山至玉門，不爲太遠，而曰幾萬里者，以月如出於天山，月

非以天山爲度也。

【白登】山名，在山西大同縣城東。即漢高祖遭匈奴冒頓圍困處。

【青海】大湖也，在今青海全部之東北，一

名庫庫淖爾。唐哥舒翰築城於此，後爲吐蕃攻破。

短歌行

白日何短短，百年苦易滿。蒼穹

丘弓切

浩茫茫，萬劫太極長。麻姑垂兩鬢，一半

已成霜。天公見玉女，大笑億千場。吾欲攬六龍，迴車挂扶桑。北斗酌美酒，勸龍各一觴。富貴非所願，與人駐顏光。

【短歌行】顏師古漢書注：行謂引，樂府長歌行短歌行，此其義也。

【蒼穹】天也，穹，高也。

【劫】世也，儒謂之世，佛謂之塵，道謂

之劫。【太極】天地未分以前也。易有太極，是生兩儀。

【麻姑】仙女也，初見王方平，年可十八九，頭作三角髻，餘髮散至腰。

【天公句】神異經：東王公與玉女投壺，有不接者，天爲之笑。

【億】禮疏：小數十萬爲億，大數萬萬爲億。

【六龍】楚辭：馳六龍

於三危兮。

【扶桑】古謂日出處。

【北斗句】楚辭：援北斗兮酌桂漿。

妾薄命

漢帝寵阿嬌，貯之黃金屋。咳

苦愛切

睡

湯臥切

落九天，隨風生珠玉。寵極愛還歇，

妒深情卻疎。長門一步地，不肯暫迴車。雨落不上天，水覆難再收。君情與妾意，各自東西流。昔日芙蓉花，今成斷根草。以色事他人，能得幾時好？

【妾薄命】

案府佳麗四十七首中有妾薄命。

【阿嬌】

陳皇后小名。武帝幼時嘗曰：若得阿嬌，當以金屋貯之。及立爲皇后，擅寵驕

貴，後因巫蠱事發，退歸長門宮。

【咳睡】

咳，嗽聲也；唾，口液也。後漢趙壹歌曰：咳唾自成珠。

【九天】

王逸天問注：東方暎天，東南

陽天，南方赤天，西南朱天，西方成天，西北暍天，北方玄天，東北變天，中央鈞天。

古朗月行

小時不識月，呼作白玉盤。又疑瑤臺鏡，飛在青雲端。仙人垂兩足，桂樹作團圓。白兔擣藥成，問言誰與餐？蟾蜍蝕圓影，大明夜已殘。羿昔落九烏，天人清且安。陰精此淪惑，去去不足觀。憂來其如何？悽愴摧心肝。

與古風中蟾蜍薄太清篇同意，但古風指武惠妃，此指楊貴妃，各有主意也。原注。

【朗月行】樂府遺聲：時景二十五曲中有明月篇，及明月子，亦曰朗月子，鮑照有朗月行。

【白玉盤】應劭漢官儀：封禪壇有白玉

盤。【瑤臺】見前。

【仙人二句】太平御覽：虞喜安論，俗傳月中仙人桂樹，今視其初生，見仙人之足，漸已成形，桂樹後生焉。

【白兔搗藥】傅玄擬天問：月中何有，白兔搗藥。

【蟾蜍句】見前注。

【大明】月也。

【九鳥】淮南子：堯時十日並出，堯命

羿仰射十日，中其九日，日中九鳥皆死。

【陰精】張衡靈憲：月者，陰精之宗。

長干行

妾髮初覆額，折花門前劇。

奇逆切

郎騎竹馬來，遶牀弄青梅。同居長千里，兩小

無嫌猜。

十四爲君婦，羞顏未嘗開。低頭向暗壁，千喚不一回。十五始展眉，願同塵與

灰。常存抱柱信，豈上望夫臺？

十六君遠行，瞿塘滪

音

預音

堆。五月不可觸，猿聲天上哀。門前送行跡，一一

生綠苔。苔深不能掃，落葉秋風早。八月蝴蝶黃，雙飛西園草。感此傷妾心，坐愁紅